

KinyaRwanda - Agakiza Ibyanditswe - Salvation Scriptures

Abanyaefezi 2:2 Ni byo mwabagamo, mukurikije imigenzereze y'iyi si, mukurikije n'Umuengwa w'ibinyabutware byo mu kirere, ari we mwuka ukorera mu bantu batumvira Imana.

Matayo 6:10 ubwami bwawe nibuze. Ibyo ushaka bibe ari byo bikorwa ku isi, nk'uko bikorwa mu ijuru.

Luka 22:42 "Data, niba ubishaka igiza kure yanje iki gikombe cy'umubabaro. Icyakora bye kuba uko nshaka, ahubwo bibe uko ushaka."

Yohani 16:7-9 Nyamara ndababwira ukuri: icyabagirira akamaro ni uko ngenda, kuko nintagenda wa Mujyanama atazaza muri mwe, ariko ningenda nzamuboherereza. 8 Kandi naza azemeza ab'isi ko batsinzwe ku byerekeye icyaha cyabo no ku byerekeye gutunganira Imana, no ku byerekeye urubanza. 9 Azabemeza ibyerekeye icyaha cyabo kuko batanyemeye.

2 Timote, iya 2:10 Ni yo mpamvu nihanganira byose kubera abo Imana yitoranyirije, kugira ngo na bo bahabwe agakiza kabonerwa muri Yezu Kristo hamwe n'ikuzo rihoraho.

Abanyaroma 15:20,21 Naharaniye kwamamaza Ubutumwa bwiza aho Kristo yari ataramenyekana honyine, ngira ngo ntubaka ku rufatiro rwashyizweho n'undi. 21 Bityo rero nkurikiza icyo Ibyanditswe bivuga ngo: "Abatigeze bamenyeshwa ibye bazabibona, abatigeze bamwumva bazamusobanukirwa."

Ibyakozwe 2:36,37 "None rero urubyaro rwose rwa Isiraheli rukwiriye kumenya rudashidikanya ko Yezu uwo mwabambye, Imana yamugize Nyagasani imugira na Kristo." 37 Abantu bumvise ibyo barakangarana, maze babaza Petero n'izindi Ntumwa batii: "Bavandimwe, dukore iki?"

Abehebureyi 4:2 Erega natwe twabwiwe Ubutumwa bwiza nk'uko ba bandi ba kera babubwiwe! Bo nta cyo bwabamariye, kuko igithe babwumvaga batabwemeye ngo bizere Imana.

Yeremiya 24:7 Nzatuma bagira ubushake bwo kumenya ko ndi Uhoraho. Koko rero bazaba abantu banjye, nanje nzaba Imana yabo, bazangarukira babikuye ku mutima."

Ibyakozwe 16:14 Umwe muri bo witwaga Lidiya wo mu mujyi wa

Tiyatira, yari umucuruzi w'imyenda itukura ihenda. Yari asanzwe asenga Imana maze adutega amatwi, kuko Nyagasan i yamuhaye umutima wo kwita ku byo Pawulo yavugaga.

Matayo 13:14,15 Bityo biba nk'uko byavuzwe n'umuhanuzi Ezayi ngo:

'Kumva muzumva ariko ntumuzasobanukirwa, kureba muzareba ariko nta cyo muzabona. 15 Erega aba ni abantu binangiye! Biziba amatwi, bahunza amaso, kugira ngo be kubona, be no kumva, kandi be gusobanukirwa, kugira ngo batangarukira nkabakiza.'

Ezayi 6:9,10 Uhoraho arambwira ati: "Genda ubwire abo bantu uti:

'Kumva muzumva ariko ntumuzasobanukirwa, kureba muzareba ariko nta cyo muzabona.' 10 Unangire imitima y'abo bantu, ubazibe amatwi, ubahindure nk'impumyi. Bitabaye ibyo bareba, bakumva, bagasobanukirwa, bityo bakangarukira bagakira."

Mariko 4:11,12 Nuko arababwira ati: "Mwebwe mwahawe kumenya ibanga ry'ubwami bw'Imana, naho abandi byose babimenyeshwa n'imigani, 12 kugira ngo 'Kureba barebe ariko be kubona, kumva bumve ariko be gusobanukirwa, kugira ngo batagarukira Imana ikababarira.' "

Yohani 12:39,40 Ntibashoboraga kubyemera nk'uko Ezayi yongeye kuvuga ati: 40 "Imana yabahumye amaso, ibanangira imitima, kugira ngo be kubona, kandi be gusobanukirwa, batava aho bangarukira nkabakiza."

Abanyaroma 11:7,8 Ibyo se ni ukuvuga iki? Icyo Abisiraheli bashakaga nta bwo bakibonye. Abakibonye ni abo Imana yatoranyije, naho abandi bose barinangiye. 8 Ni na ko Ibyanditswe bivuga ngo: "Imana yabahaye imitima ihuramye n'amaso atabona n'amatwi atumva kugeza n'ubu."

2 Abanyatesaloniki, iya 2:10,11 Azakoresha ubuhemu bw'uburyo bwose kugira ngo ashuke abagenewe kurimbuka, bazira kudakunda ukuri kwari kubarokora. 11 Ni yo mpamvu Imana iboherereza ubuyobe bukaze butuma bemera ibinyoma.

Matayo 13:18-23 "Nimutege amatwi rero mwumve iby'uwo mugani w'umubibyi. 19 Umuntu wese wumva Ijambo ry'ubwami bw'ijuru ntarisobanukirwe, ahwanye na ha handi ku nzira imbuto zaguye, maze Sekibi akaza agasahura icyabibwe mu mutima we. 20 Aho zabibwe ku gasi ni nk'umuntu wumva Ijambo ry'Imana, ako kanya akaryakirana ubwuzu, 21 nyamara ntatume rishorera imizi muri we, bityo akamarana igithe gito. Iyo habaye ingorane cyangwa

gutotezwa ahōrwa Ijambo ry'Imana, ahita acika intege. 22 Aho zabibwe mu mahwa ni nk'umuntu wumva Ijambo ry'Imana, nyamara guhagarikwa umutima n'iby'isi no gushukwa n'ubukungu, bikarenga kuri iryo Jambo rikaba nk'imbuto zarumbye. 23 Aho zabibwe mu butaka bwiza ni nk'umuntu wumva Ijambo ry'Imana akarisobanukirwa akera imbuto, umwe ijana, undi mirongo itandatu, undi mirongo itatu.”

2 Abanyakorinti, iya 3:15,16 Rwose no kugeza uyu munsi iyo umuntu abasomera igitabo cya Musa, cya gitwikirizo kiba kibambitse ku mitima yabo. 16 Ariko nk'uko Ibyanditswe bivuga: “Iyo umuntu ahindukiriye Nyagasan, icyo gitwikirizo gikurwaho.”

Ezayi 30:28 Umwuka we umeze nk'uruzi rwuzuye rukarenga inkombe, nguwo aje kujegeza amahanga ayateza ibyago, aje kubayobia abajyane aho badashaka, abajyane nk'ubashyize mu mugozzi.

Hoaeya 11:3-7 Efurayimu ari we Isiraheli, ni jye wamwigishije kugenda.

Namufataga ukuboko agatambuka, nyamara ntiyamenya ko ari jye umwitaho. 4 Naramwiyegereje nkoreshheje impuhwe n'urukundo, namutuye umutwaro yari ahetsse ndamugaburira. 5 “Abisiraheli ntibazasubira mu gihugu cya Misiri, ahubwo umwami wa Ashūru ni we uzabagenga, koko banze kungarukira. 6 Hazaba intambara mu mijyi yabo, ibihindizo by'amarembo yayo bizavunagurika, intambara izabatsema kubera imigambi yabo mibi. 7 Ubwoko bwanjye bwiyemeje kundeka! Nubwo bantakambira, jyewe Usumbaboyose, nta n'umwe nzakiza.

Ibyakozwe 26:18 Ngutumye kubahumura amaso kugira ngo ubahindure, bave mu mwijima bagere mu mucyo, bave no mu bushobozi bwa Satani bagarukire Imana, kugira ngo nibanyemera bababarirwe ibyaha, kandi bahabwe ku munani wagenewe abantu Imana yagize intore zayo.’

2 Timote, iya 2:24-26 Erega ntibikiyiye ko umugaragu wa Nyagasan agira amahane, ahubwo akwiriye kuba umugwaneza kuri bose, ushoboye kwigisha kandi wihangana. 25 Agomba kwigisha abamurwanya afite ubugwaneza. Ahari Imana yazabemeza kwhana bagasobanukirwa neza ukuri kwayo, 26 bityo bakabasha kwisubiraho maze bakigobotora mu mitego y'umwanzi Satani, wabagize imbohe ze ngo bakore ibyo ashaka.

Ibyyahishuwe 3:17-19 Uravuga uti: “Ndi umukire ndakungahaye, nta cyo nkennyne na busa.” Nyamara ntuzi ukuntu uri umutindi wo

kubabarirwa, ntugira shinge na rugero, uri impumyi kandi wambaye ubusa. 18 Ni cyo gituma nkugira inama yo kunguraho izahabu yatunganyijwe n'umuriro, maze ubone kuba umukungu ungureho n'imyambaro yera, kugira ngo uhishe uwambure bwawe buteye isoni, kandi ungureho n'umuti wo gusiga ku maso, kugira ngo uhumuke urebe. 19 Abo nkunda bose ndabacyaha nkabacishaho umunyafu. Nuko rero gira umwete wihane.

2 Abanyakorinti, iya 7:10 Burya agahinda gahuje n'ibyo Imana ishaka gatera umuntu kwihana kakamugeza ku gakiza, agahinda nk'ako nta mpamvu yo kukicuza. Naho agahinda gasanzwe ko muri iyi si kageza umuntu ku rupfu.

1 Icyo Mbere Cy'ABami 18:37 Uhoraho nsubiza, nsubiza kugira ngo abantu bamenye ko ari wowe Uhoraho Imana, kandi ko uzatuma bakugarukira.”

2 Abanyakorinti, iya 4:4 Abo ntibemera ubwo Butumwa kuko imana mbi y'ab'iki gihe yabahumye imitima, kugira ngo batabona urumuri rw'Ubutumwa bwiza buranga ikuzo rya Kristo, ari we shusho y'Imana.

Luka 8:11-15 “Dore icyo uwo mugani uvuga: imbuto zibibwa ni Ijambo ry'Imana. 12 Imbuto zuguye ku nzira zigereranywa n'abantu bumva iryo Jambo, nyuma Satani akaza akarikura mu mitima yabo, kugira ngo bataryemera ngo bakizwe. 13 Izaguye ku gasi ni nk'abantu bumva Ijambo ry'Imana, bakaryakirana uwuzu ariko ntibashinge imizi. Baryemera igihe gito, nyuma bahura n'ibibagerageza bakarireka. 14 Izaguye mu mahwa ni nk'abumva iryo Jambo, maze guhagarika umutima no kwishakira ubukungu, no kwishimisha mu by'ubuzima bikarirengaho, bakamera nk'imbuto zarumbye. 15 Naho izaguye mu butaka bwiza ni nk'abumva iryo Jambo n'umutima mwiza uboneye, bakrikomeza ntibacogore, bakera imbuto.

Ibyakozwe 15:11 Ahubwo twemera ko ari twe ari na bo, twese twakijijwe kubera ubuntu Nyagasani Yezu Kristo yatugiriye.”

Abanyaroma 8:13 Niba mubaho uko kamere yanyu ishaka muzapfa, naho niba muheshwa na Mwuka gutsinda imigirire muterwa na kamere yanyu muzabaho.